

玄覽堂叢書

第一冊

本草綱目卷之四

玄覽堂

焚書

庚辰六月印行

文史之阨無代無之爲古書延一線之脈作續命之湯俾國史不至無徵弘文藉以不朽者賴有好古之士刊布不絕傳鈔未已耳姚士粦序尙白齋祕笈云吾郡未嘗無藏書家卒無有以藏書聞者蓋知以祕惜爲藏不知以傳布同好爲藏耳何者祕惜則箱橐中有不可知之秦刼傳布則毫楮間有遞相傳之神理此傳不傳之分不可不察者然所謂不可傳布之說有四大抵先正立言有一時怒而百世與者則子孫爲門戶計而不敢傳鬪奇炫博樂於我知人不知則寶祕自好而不肯傳卷軸相假無復補壞刊謬而獨踵還癡一諺則慮借鈔而不樂傳舊刻精整或手書妍妙則懼翻摹致

損而不忍傳一旦三災橫起流爛滅沒政猶重寶
脫手墜入深淵無復得理紀映鍾等徵刻唐宋祕
本書啟云竊惟訪西陽之逸典遙集塵懷搜芸室
之遺編流通是急雖帳中鴻寶獨樂孰若與人卽
世守家珍名山應存副墨昔宋宣獻兼楊畢二家
之蓄亦云富哉葉少蘊築雪川山莊以居允稱固
矣而皆不免淪亡流於散佚蓼塘之手鈔曷在尤
氏之書日豈存皆由後人不知愛鼎同事罕爲扶
輪俾聖賢憲言垂世恭天命而植民彝之意漸滅
無聞此洪容齋魏鶴山之所歎也今世變方亟三
災爲烈古書之散軼淪亡者多矣及今不爲傳布
而尙以祕惜爲藏誠罪人也夫唐宋祕本刊布已

多經史古著傳本不鮮尙非急務獨元明以來之
著述經清室禁焚刪夷什不存一芟艾之餘罕祕
獨多所謂一時怒而百世與之立言每孤本單傳
若明若昧一旦淪失便歸漸滅予究心明史每憤
文獻不足徵有志搜訪遺佚歷數十年而未已求
之冷肆假之故家所得珍祕不下三百餘種乃不
得亟求其化身千百以期長守力有未足先以什
之一刊布於世其有佚文闕葉無從鈔補者則亦
聽之嗚呼杞憂正殷成書快覩幽光發於乙部壽
世脫於三災秦火未盡魯壁猶存先哲之靈實呵
護之

庚辰初夏玄覽居士書

鄭松餘

紀古滇說集序

南陵徐乃昌
校勘經籍記

雲南古爲滇國天則參井餘氣地
裔土故其沿革附于巴蜀河圖緯所謂南
中爲蜀之苑囿是也史記西南夷傳斑固
范曄衍之至晉常璩作南中志附于華陽
國志詳矣余家重膺

天恩世守滇雲戎政之暇求滇之遺跡病其
略也蓋史之體內華夏而外荒徼今也九

州同城四海一貫固不厭其詳且煩也於
類書所引楊子雲蜀本紀譙周異物志僅
存千百於一二若任豫之益州記常璩雲
南事狀常齊沐之雲南行記樊綽之雲南
志南蠻記皆名存而籍亡久矣莫可徵也
家所舊藏有紀古滇說集乃元人張道宗
所錄始自唐虞訖于咸淳方域年運謠俗
服叛一一詳焉雖其文不雅馴而鑿鑿傳

信不可刪以迷其真也其紀金馬事大與
漢書所謂金形似馬碧形似鷄之說迥異
文儒信史者多疑之余謂是書本偏方所
錄自言風土當得其實漢使王褒祭金馬
碧鷄之神望其地不至又安能必其說爲
信而此所錄可疑乎並存之可也遂命梓
人鐫之上以廣

國家方興一統之盛下以補職守忠愛萬

一之裨觀者幸鑒鄙意焉

嘉靖己酉十又二月朔日

欽差鎮守雲南總兵官征南將軍右軍都督
府都督僉事沐朝弼謹序

玄覽堂叢書目錄

紀古滇說原集一卷 元張道宗撰 明嘉靖己酉刊本

朝鮮雜志一卷 明董越撰 明鈔本

北狄順義王俺答謝表不分卷 明刊本

裔乘八卷 明楊一葵撰 明萬曆乙卯刊本

交黎剿平事略四卷 明張鑒撰 明嘉靖辛亥刊本

安南來威圖冊三卷輯略三卷 明梁天錫編 明隆慶辛

未刊本

九邊圖說不分卷 明兵部編 明隆慶三年刊本

宣大山西三鎮圖說三卷 明楊時寧編 明萬曆癸卯刊本

開原圖說二卷 明馮瑗輯 明萬曆間刊本

皇輿考十二卷 明張天復撰 明萬曆十六年刊本

通惠河志二卷

明吳仲撰

明嘉靖戊午刊本

海運新考三卷

明梁夢龍撰

明萬曆七年刊本

諸司職掌十卷

明口口口編

明刊本

漕船志八卷

明席書編次朱家相增修

明嘉靖甲辰刊本

福建運司志十六卷

明江大鯤等修

明萬曆癸丑刊本

舊京詞林志六卷

明周應賓纂

明萬曆丁酉刊本

皇朝馬政記十二卷

明楊時喬撰

明萬曆二十四年刊本

昭代王章六卷

明態鳴岐輯

明師儉堂刊本

兵部問寧夏案一卷

明鈔本

刑部問寧王案一卷

明鈔本

神器譜一卷

明趙士禎撰

明萬曆戊戌刊本

神器譜或問一卷

明趙士禎撰

鈔本

明朝小史十八卷

呂毖輯著

清初刊本

皇明帝后紀略一卷

明鄭汝璧撰

明萬曆己卯刊本

高科考一卷

明口口口輯

明鈔本

東夷考略不分卷

明茅瑞徵撰

明刊本

九十九籌十卷

明顏季亨撰

明天啓庚申刊本

遼籌二卷附遼夷略一卷陳謠雜詠一卷

明張鼐撰

明刊本

東事書一卷

明郭湄撰

明天啓元年刊本

甲申紀事十三卷

明馮夢龍輯

明弘光刊本

馘闖小說六卷

葫蘆道人撰

鈔本

紀古滇說原集

積學齋徐芳昌感書

古滇始自唐虞而前漸漸有野人授土號法外君長
唐分命仲宅西曰昧谷虞導黑水至於三危入于南
海大禹治水命神庾辰徇南海分派江河流沙金色
故名金沙入昧谷見水多聚於山頂溪池廣遠谷島
高峙乃曰滇水滇水周三百里其地萬里皆蠻夷所
有西窮極有大秦國身毒國義渠國緄濮國荼弼沙
國有聖人名徂葛尼到此諸國皆有君長荼弼沙是
日落之所有大洋日入其洋矣外有緬夷諸國西南
濱海黑水所流八百日南占城真臘登流眉賓童竜

國有王舍城中目連舍基此南海濱也與滇水相去
不遠自此西南夷君長以十數夜郎最大其西靡莫
之屬以十數滇最大自滇以北君長以十數邛都最
大此皆雕結耕田有邑聚其外西自同師以東北至
牁榆名爲雋昆明皆編髮隨畜遷徙毋常處毋君長
地方可數千里自雋以東北君長以十數冉駹最大
其俗或土著或移徙在蜀之西自冉駹以東北君長
以十數白馬最大皆氐類也此皆巴蜀西南外蠻夷
也

周宣王在位四十六年時乃周室中興遠聞西南有

身毒國即天竺國也先昭王二十一年有淨梵王妃摩耶氏生太子悉多不欲爲君長入山禿髮也至宣王時西天竺亦有國曰摩耶提乃王也是淨梵王摩耶之後裔也摩耶提名阿育生三子長曰福邦其名也次曰弘德季曰至德三子俱健勇因父阿育王有神驥一匹身高八尺紅鬃赤尾毛有金色三子共爭之王莫能決乃曰三子皆一也與一則偏一而不愛於二也乃命左右曰將我神驥縱馳而去有能追獲者主之乃一縱直奔東向而去三子各領部衆相與追逐其季子至德先至滇之東山而獲其神驥就名